

幸魯盛典

一冊

張翹漢敬贈

御製幸魯盛典序

朕惟自古帝王

翔洽風俗茂美莫不

由於崇儒重道典學

右文用能發詩書之

潤澤宣道德之聞奧
推厥淵源皆本洙泗
以故追崇之典歷代
相仍或躬詣闕里脩
謁奠之儀潔志肅容

盡誠備物其間禮數
隨世損益至於希風
服教百代式型異世
同揆莫之或二猗歟
盛矣朕臨御以來垂

三十載溯危微之統
緒念生安之聖哲恒
慮涼薄未克祇承用
是夙夜亶心孜孜不
倦惟我至聖先師孔

子配天地參陰陽模
範百王師表萬禩朕
每研搜至道涵泳六
經覺憲章祖述剛定
贊脩之功日星揭而

江河流私心嚮往竊
有願學之志焉乃者
東巡踰秦岱涉泗沂
遂過闕里親行釋奠
得瞻廟貌仰聖容以

爲德盛功隆欽崇宜
極凡厥典禮有加前
代又親製文辭手寫
以樹之貞石務用導
揚至教風示來茲夫

緬懷曩哲繼躅前賢
猶思覩其物采接其
居處況先師遺風餘
烈久而彌新重以朕
之寤寐寐羹牆僂乎如

見及過杏壇相圃之
間山川儼然檜楷如
故彷彿金石絃誦之
聲聞於千載而上流
連往復不能自已也

衍聖公孔毓圻上疏
陳謝且以禮儀隆重
非直一家榮遇請脩
幸魯盛典一書朕旣
可其奏久之書成復

請敘言以冠其端朕
萬幾餘晷敦勉弗遑
實欲默契先師尊聞
行知於以阜物誠民
風同道一庶幾躋世

運於唐虞登治術於
三古是書也豈徒使
天下後世知朕於先
師欽慕無已如此且
愈以見聖人之道覆

疇羣倫苞毓萬象卽
凡車服禮器之遺皆
足令人感發而興起
也故賜之序

半四民

康熙二十八年四月

初二日

風發而興

火車阻斷器少費省

謝奉命蒞海萬象噴

孔子陞拾菜代孫太子少師襲封衍聖公臣孔毓圻

恭承

敕旨編刻

幸魯盛典今已成書奉

表上

進者

臣

毓圻誠惶誠恐稽首頓首

上言伏以

帝德崇儒特舉隆文於闕里

皇仁重道首頒異數乎尼山開局

命官哀洙泗希逢之典超前軼後成古今未有之書宮

聖學值上元之甲子日轉一陽

率東魯之廟庭星聯五曜四方觀化夾道而瞻

大飛

萬乘誦尊升堂而行九拜獻爵奏太常之樂純乎玉振

金聲迎神讀祝版之辭詎數歌風扈雅

皇心致慤降輦輅而奠林垆

天語如春望羹墻而瞻象設徘徊車服留

御益于廟堂想像金絲題

奎章于門額援珠毫而作賦檜樹向榮濡玉硯而襲詩

杏壇增色架穹碑于霄漢石採西山鐫

睿藻于樞星文從北極至若

一召諸生于講幄經義昭明

授博士于翰林

聖慈優渥

錫禮樂詩書之額蓬藿焜煌

題松筠節壽之坊鳳鸞飛舞恢宏林地則十二項有

奇優恤子孫則千萬年無算

許守墳之百戶亦隸夏官合在籍之四司皆霑

朝命

賜書

賜服不但臣家

蠲稅蠲糧遍於通邑及

念殿寢之隳敝更發

內府之金錢堂廡煥然仍宗廟百官之富碑亭屹若
頡庖羲一畫之文大工既成鴻儀肇舉

特命

皇子昭告鼎新裸獻加虔獲人豫神歡之慶始終卒
度昭禮明樂備之休載勒貞珉復蒙

宸翰對峙之奎文閣後如日東而月西屹立於大成門
前並天長而地久崇師褒聖過分逾涯攬槍掃而

告成工瀚海清而修祭典乃至賢如述聖代鮮專

祠鯨棟虹梁

賜堂基而崇祀春嘗秋禴

允締造以陳祠且使孟廟重新姬祠復葺齊頌

御製並建豐碑仲由閔損之門俱沐旌賢之

典東野端木之胄咸霑尚德之

恩下至濂洛後昆關閩遠裔莫不身膺

命服各歷清班昔漢高之祀太牢唐皇之經東魯迨

至宋室復遇真宗親製贊辭勅留祭器莫不傳爲

盛事加以特書然而典禮未全儀文弗備未有隆

規臧五曠典登三如

今日者也蓋惟同心同理

道大而德隆故兼作君作師

禮優而澤洽雖千載自炳於

起居之注而一時不可無紀盛之書伏蒙

聖恩准

臣

額請就廟開哀輯之局拜疏薦纂修之員首

炳

宸章臚陳

典制

皇仁臨幸之

俞旨羣工奏對之昌言扈從入廟之班聯臣族受

恩之始末一一恭紀事事詳編加以臣僚應

制之作卿士頌

聖之詞亦奉

編言增諸末簡臣謹同纂修諸臣緝成正文二十卷詩

文二十卷名爲

幸魯盛典實則集聖大成恭荷

御筆製序并蒙

欽定批簽一經筆削于

九重如浴光焰千萬丈則又詞苑未叨之異數書局希

遵之

洪慈也竊按

聖門紀載之書多存歷代經籍之志盈箱累篋唯傳
泗水之遺文紀事考言未入朝家之大典孰若

熙朝之盛事聿垂萬代之章程永同帝典王謨並垂千

古將與魯論家語齊炳九垓

臣

謹裝潢成帙齋沐

恭進

臣

性資弁鄙問學空疎守祀祖庭率履恐貽

隕越祇承

休命編摩未敢怠遑雖復賸寫晨書不無挂一漏萬藉

一蠡以測海豈能揚挖

鴻猷握寸管以窺天何足鋪陳

盛烈伏願

顯仁藏用

富有日新

道造逢源之深

德躋極天之峻

文明大啟無庸渭水求師

正學丕昌不向峒山問道則彌綸無外歷久遠而愈

光法制昭垂綿繼承而勿替臣無任瞻

天仰

聖激切屏營之至謹

表隨

進以

聞奉

旨覽卿奏幸魯盛典編輯有年茲刊刻告成裝潢來進
知道了該部知道書畱覽

康熙五年三月

日孔子陸拾柒代孫李少師襲封衍聖公

臣孔毓圻謹上表

...

...

言覽暇奏幸...

奏

聖...

總裁官

太子少師襲封衍聖公臣孔毓圻

副總裁官

翰林院五經博士加五級臣孔毓埏

纂修官

乙丑科進士授山西大同府靈丘縣知縣臣金居敬

乙丑科進士授直隸大名府元城縣知縣臣俞兆曾

勅封翰林院編修丁巳科舉人候補內閣中書舍人臣叢克敬

戊午科舉人戊辰科進士授翰林院庶吉士臣孫致彌

辛酉科副榜貢生臣葉湜

江南崑山縣人

江南嘉定縣人

江南寧縣人

浙江海鹽縣人

江南長洲縣人

三有盛典
纂修職名
候選小京職陞貴州都勻府知府臣沙汝洛山東萊陽縣人

候選知縣臣章緯浙江富陽縣人

增廣生員曹冕浙江嘉善縣人

校閱官

候選知縣臣張拱樞浙江錢塘縣人

候選同臣張元煒江南婁縣人

收掌官

四氏學錄臣孔尚侃山東曲阜縣人

候選典簿授光祿寺典簿臣程士璉江南丹徒縣人

膳錄官

候

選

州

同臣

許

永

江南常熟縣人

候選州同授刑部主事河工効勞

臣

程兆彪

江南上海縣人

候

選

州

同臣

吳道行

江南婁縣人

候

選

縣

丞臣

張廷玫

浙江錢塘縣人

四

氏

學

教

授臣

沙潢

山東萊縣人

貢

生

今

考

授

通

判臣

孔衍溥

山東曲阜縣人

監

生

今

考

授

州

同臣

馮

暹

浙江仁和县人

蓋主 今 送 送 根 根 根 根 根 根

貢主 今 善 善 善 善 善 善 善 善 善 善

四 丑 丑 學 學 學 學 學 學 學 學

文 丑 丑 丑 丑 丑 丑 丑 丑 丑 丑

文 丑 丑 丑 丑 丑 丑 丑 丑 丑 丑

外 丑 丑 丑 丑 丑 丑 丑 丑 丑 丑

外 丑 丑 丑 丑 丑 丑 丑 丑 丑 丑

明神宗

崇禎

崇禎

崇禎

崇禎

崇禎

崇禎

恭惟

聖天子致治太平舉時巡之曠典望秩岱宗觀風吳會

清蹕南還

寵臨闕里禮隆樂備

恩覃澤洽仰見

皇上同揆接統尊師重道非前代帝王所可幾及書之

方策事體重大

臣

等未敢輕易屬藁謹先定凡例

如左

御製詩文爲經作則如日星雲漢昭回在上如天球河

圖永爲傳寶惟有仰瞻珍襲莫能贊歎頌揚獨標

卷首炳然萬古 一則

典禮崇隆

恩澤優渥節目繁多年月相間是書彷彿記事本末之體

事為起訖各自編年庶可一覽瞭然仍以大書為

綱而章奏檔案細書為目焉 一則

是書惟志

幸魯而事有原始義有連及例當備書昔杜預謂左氏

傳或先經以起事或後經以終義敢竊取之以為

準的首紀

巡幸次及

臨幸

廟林典禮次及

加恩聖裔

推恩五氏子孫次及

遣祭元聖

推恩後裔次及開擴林地議通璧水次及

賜碑次及修

廟次及

皇子告祭次及再

賜修廟碑文次及

推恩先賢先儒子孫而終之以纂修事宜至於臣僚

頌言皆以送到職銜為序其地方職官及臣等詩

文附於末卷 三則

法駕省方敷天哀對實惟臣里倍極光榮億萬斯年流

徽載籍粵自前世元后幸臨正史特標綱要乃其

恩施曲被散見於祖庭廣記孔門僉載等書討論

故事莫有盛於

今日採摭附錄以類相從正如繁星之麗天百川之

歸海云爾 四則

皇上聖德神功登三成五峻極於天名言莫罄臣等綴

以案語附於本條于以志感激

恩施欣戴遭遇雖復殫思竭慮無能擬諸其形容顧惟
蠡測管窺抑亦畧陳其考質踴躍鳧藻不知所裁
五則

臣僚恭遇

盛典朝野洋溢頌聲或身親

扈從或出入

禁近喜起賡載述作斐然臣與纂修諸臣亦不敢以淺

陋自解各攄悃悃哀集衆體彙爲一編六則

襲封衍聖公臣孔毓圻恭紀

莫挂亦望公

圖自輟谷難附附哀榮來體彙公一錄

禁亦喜或致輝夜扑斐然與集外苗衣不類以對

以猶近出人

盈典博理第益臨獲氣良廉

日猶恭嚴

玉佩

蓋國曾巖林亦畧刺其未及風單黃

恩派承真嚴嚴報身軀思匪無兼

以柔滿州效本於干以志

幸魯盛典卷一

御製

至聖先師孔子廟碑

朕惟道原於天弘之者聖自庖犧氏觀圖畫象闡乾坤之秘堯舜理析危微厥中允執禹親受其傳湯與文武周公遞承其統靡不奉若天道建極綏猷夙乎尚矣孔子生周之季韋布以老非若伏羲堯舜之聖焉而帝禹湯文武之聖焉而王周公之聖焉而相也歸然以師道作則與及門賢喆紹明絕業教思所及陶成萬世是伏羲堯舜禹湯文武周公之統惟孔子繼續而光大之矣

間嘗誦習詩書之所刪述大易之所演繫春秋之所筆削禮樂之所修明本末一貫根柢萬有殆與覆載合其德日月竝其明四時寒暑協其序焉故曰仲尼之道一天道也朕敬法至聖景仰宮牆嚮往之誠弗釋寤寐歲甲子十有一月時邁東魯躬詣曲阜展修祀事復謁聖墓循撫松栝儀型在望優乎至德之親人也朕忝作君啓牖下民深惟夫子師道所建百王治理備焉舍是而圖邇隆曷所依據哉因勒文於石彰朕尊崇聖教以承天治民之意系以辭曰

遐哉三五維辟之式於皇尼山師道允植天畀木鐸覺

被羣生百行以正六籍以明賢邁唐虞聖則河洛綏和
動來文博禮約性天峻極儉教孔彰學昌洙泗統歸素
王炎漢崇儒少牢用饗厥後賢君高山是仰予懷至聖
泣彼東方音徽云邈道德彌光鬱鬱坐林峩峩祠殿企
慕安窮羹牆如見泰岱匪高東海匪深敬揚懿軌終古

式欽

至聖先師孔子贊

并序

蓋自三才建而天地不居其功一中傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽往緒仰邇前
徽堯舜禹湯文武達而在上兼君師之寄行道之聖人
也孔子不得位窮而在下秉刪述之權明道之聖人也
行道者勲業炳於一朝明道者教思周於百世堯舜文
武之後不有孔子則學術紛淆仁義湮塞斯道之失傳
也久矣後之人而欲探二帝三王之心法以爲治國乎
天下之準其奚所取衷焉然則孔子之爲萬古一人也

審矣朕巡省東國謁祀闕里景企滋深敬摛筆而爲之
贊曰

清濁有氣剛柔有質聖人參之人極以立行著習察舍
道莫由惟皇建極惟后綏猷作君作師垂統萬古曰惟
堯舜禹湯文武五百餘歲至聖挺生聲金振玉集厥大
成序書刪詩定禮正樂旣窮象繫亦嚴筆削上紹往緒
下示來型道不終晦秩然大經百家紛紜殊途異趣日
月無踰羹牆可晤孔子之道惟中與庸此心此理千聖
所同孔子之德仁義中正秉彝之好根本天性庶幾夙
夜曷哉令圖溯源洙泗景躅唐虞載歷庭除式觀禮器

摘毫仰贊心焉遐企百世而上以聖爲歸百世而下以
聖爲師非師夫子惟師於道統天御世惟道爲寶泰山
巖巖東海泱泱牆高萬仞夫子之堂孰窺其藩孰窺其
徑道不遠人克念作聖

公賦不邀人哀念非

...

...

...

祭至聖先師孔子文

仰惟先師德侔元化聖集大成開萬世之文明樹百王之儀範永言光烈罔不欽崇朕丕御鴻圖緬懷至道憲章往哲矩矱前模夕惕朝乾覃精思於六籍居今稽古期雅化於萬方繄惟典訓之功實覩乂安之效茲者巡省方國至於岱宗瞻望魯邦爰來闕里空堂至止恍聞絲竹之聲舊寢徘徊喜動宮牆之色車服禮器宛然三代遺風几杖冊書夙矣千秋盛蹟愜明靈之儼在文治遐昌肅禋祀以惟虔精忱庶格

致昌隆福祿以謝夷離於烈恭

升靈風八林冊書奠矣于赫靈廟民靈之壽五文命

維於文籍舊寡將風喜健宮祿之壽車輿豐器煥然三

百式圖至欽於宗觀望營泮爰來闕里空室至土泮開

照兼於欽萬式潔壯典臨之也實崇又文之於於普感

早於晉張藝蒲藹又賜賜神草壽思欽六壽壽今壽古

正壽壽永言光祿厚不危崇祖不味萬國壽壽全壽壽

心對天明壽壽元外聖業大如開壽壽之壽壽壽百正

祭至聖先師孔子文

重修闕里孔子廟碑

朕惟大道昭垂堯舜啓中天之盛禹湯文武紹微危精
一之傳治功以成道法斯著至孔子雖不得位而贊修
刪定闡精義於六經祖述憲章會衆理於一貫爲往聖
繼絕學爲萬世正人心使堯舜禹湯文武之道燦然不
著於宇宙與天地無終極焉誠哉先賢所稱自生民以
來未有盛於孔子者也往歲甲子朕巡省東方躬詣闕
里登聖人之堂祇將祀事觀其車服禮器金石絃歌蓋
徘徊久之不能去焉顧聖廟多歷年所丹雘改色榱桷
漸欹用是愀然於心特發內帑專官往董其役鳩工庀

材重加葺治經始於辛未之夏事竣於壬申之秋廟貌一新觀瞻以肅蓋深惟孔子之道垂範今古朕願學之志時切於懷每考天人性道之原修齊治平之要思以遠紹前緒牖迪生民凡所以尊崇褒顯者靡不隆禮竭誠以將景行仰止至意而况廟庭之地尤爲聖人神明所憑依者哉今者登堂而陳俎豆入室而習禮儀營構旣堅采章彌煥庶幾於朕心深有慰焉用是特遣皇子胤祉敬展禋祀以告落成凡我臣民瞻仰宮牆倍增嚴翼尚益思敦崇德義砥礪倫常以不負朕尊師重道之意豈不休歟因勒貞石系以辭曰

麟書啓瑞素王挺生上律下夔玉振金聲範圍百代陶
甄萬類道備中和德參天地立型垂訓師道昭宣象懸
七曜海納百川曩巡東魯臨河登岱峩峩尼山羹牆斯
在虔恭展謁至德是欽宗風溥博教澤閎深洙泗之陽
殿寢奕奕上棟下宇神靈安宅冬官特飭締造維新宏
規大啓肅奉明禋聖人之居永以觀德千載傳心四方
式則

左眼

火氣薰奉則甄聖人之氣亦以感感于其精公四大

靈運奕奕土欵不守脈運安字今宜掃

亦或蒸氣歸至盡最難家列

百川異感東營

中

玉

祭啓聖公文

維公系本神靈生稱瓌偉勇力聞於魯國皆道德所發
皇政事紀於鄴邦悉文章所宣著篤生聖子代爲帝師
寰宇崇歲祀之儀不先父食古今奉斯文之統共指家
傳茲值東巡特臨曲邑溯二千年之教澤孰非厚德燕
貽垂七十世之孫謀如見神明陟降用修彝祭之典代
以扈從之臣泗水環流知發源之有自防山聳峙占積
慶之無疆牲醴式陳尚其歆格

讀之... 讀其... 讀其...

以... 文... 水... 氣... 之... 自... 山... 登... 古... 壽...

銀... 垂... 十... 冊... 之... 經... 書... 以... 經... 之... 典... 亦...

詩... 益... 而... 東... 溪... 拜... 齋... 曲... 呂... 賦... 二... 十... 年... 之... 景... 新... 輝... 非... 取... 謝... 燕...

其... 子... 崇... 效... 厥... 之... 謝... 不... 決... 父... 食... 古... 今... 事... 理... 之... 益... 其... 許... 案...

其... 子... 崇... 效... 厥... 之... 謝... 不... 決... 父... 食... 古... 今... 事... 理... 之... 益... 其... 許... 案...

其... 子... 崇... 效... 厥... 之... 謝... 不... 決... 父... 食... 古... 今... 事... 理... 之... 益... 其... 許... 案...

李會盛公文

闕里古檜賦

孔子手植檜在杏壇之側金貞祐間無復存矣元至
元三十年再茁故處明弘治間又燬於火今所遺者
不枯不榮屹立霜露而秀色獨異撫摩久之乃作賦

曰

維槎枿之靈質實鈞化之所鍾標扶輿之奇特峙先聖
之故宮涵元氣以不朽與至道而俱崇爾其黛幹蒼蒼
孤柯濯濯鶴骨初扶霜鱗未作儼茁軋以方舒類鴻荒
之忽鑿謝縟采於春華完淳風於太樸天矯拂勃星臨
露滴枝無取於樛樛葉全稀於撼撼夕飈度兮弗驚朝

旭烘兮如滌伊間氣之潛滋惟神爽之咸集徘徊延却
宛轉斷連蟠屈兮若佾羽之在列聳削兮若箕簋之待
懸則有築以崇封沃以膏壤方以周闌角以文磔足縮
心獻目給神賞蘿煙奪翠松籟失響於是楷因之而擢
穎著感之而抽莖爭葳蕤於絃誦之里齊扶疎於禮樂
之庭朝菌慚兮一旦大椿讓兮千齡上泝真宰之功遠
契無爲之代均雲行兮雨施等乾始兮坤載疇則出混
茫之中而居耳目之外與三才以蒞植綿歷禩其長在
亦有扶桑海表若木山巔東瀛西極揭日摩天迹雖誇
於神異植非出於文宣宜瞠乎其後矣邈無得而稱焉

孟子廟碑

自王迹熄於春秋聖人之道或幾於泯滅卒之晦而復
明歷千百世而不敝者恃有孔子也孔子沒百有餘年
浸假及於戰國楊墨塞路禍尤烈於曩時子輿氏起而
闢之於是天下之人始知誦法孔子率由仁義斯道之
有傳至於今賴之是以後世學者如韓愈蘇軾之徒咸
推其功以配大禹而閩洛之儒咸尊爲正學之宗傳烏
虜盛已夫洪水之禍止於人身已爾楊墨之禍隱然直
中於人心不有孟子使楊墨濫觴於前釋老推波於後
後之人雖欲從千載之下探尼山之遺緒其孰從而求

之因推述厥義刻文於石俾揭於鄒之廟其文曰
尼聖既往復矣音徽後百餘歲聖緒浸微尚異實繁楊
墨競煽陷溺之禍酷於昏墊惟子輿氏距詖放淫以承
先聖以正人心述舜稱堯私淑孔子正學脩明百世以
俟不有是者斯道孰傳宇宙晦霧萬物狂悖我讀其書
曰仁曰義遺澤未湮聞風可企嶽嶽亞聖巖巖泰山功
邁禹稷德參孔顏刻石茲文於祠之下誦烈揚休用告
來者

泉林記

朕被服至道誦法孔子於詩書簡冊之中羹牆載見如
聞其言論而接其聲容者匪伊朝夕矣嘗以不得一登
闕里之堂觀其車服禮器山川風物慨然至聖之音徽
每低徊於中而不能自己迺者在廷之臣咸謂古者天
子巡省方岳觀察民俗朕俞其請因念岱宗在望于邁
魯郊夙昔所懷今茲可慰歲之冬月輿衛北還抵於泗
水東境距其縣治五十里陪尾山之陽衆泉出焉石竇
哈呀清流蕩瀟下合沂泗遠波悠然相傳爲子在川上
處云旁有古寺厥名泉林坡陁幽曠樹木茂密雖古今

異時陵谷不改去聖人之居如此其近意者當日杖履
所經周覽原泉默契道體喟然發水哉之歎者其卽斯
地耶於是停驂弭節瞻眺久之恍乎如有所得殆移晷
而後去也夫天地無終窮流水之出於天地者亦無終
窮聖人之道川流敦化萬古不息與天地流水同其無
終窮焉其何能已於予懷耶孔子繫易其言天也曰行
健言地也曰無疆孟子之言水也曰盈科而後進君子
之於聖人之道也溯源窮流學水至海亦若是焉而已
矣朕旣幸宮牆親覲至止非遙而又喜泉源勝地聖跡
所存而得游歷其處也遂爲之記

祭元聖周公文

惟公丕承聖緒懋敘人倫光烈覲揚成一家之繼述官
禮制作垂萬世之經常道闡圖書探六爻而易貢心傳
精一兼三代以訐謨啓東魯之典型猶存故澤入尼山
之夢寐未墜斯文朕稽古省方瞻言至止郊原縱目遙
深松栢之思廟貌崇觀爰切羹牆之慕特申祇薦代以
親藩惟冀神靈尚克歆饗

蘇軾詩集卷之四

蘇軾詩集卷之四

蘇軾詩集卷之四

蘇軾詩集卷之四

蘇軾詩集卷之四

蘇軾詩集卷之四

蘇軾詩集卷之四

周公廟碑

世運代嬗隔越千載則必有神哲挺生其間以承大統以作名世惟公體上聖之質紹祖考之德孝友篤仁左右寧王厥勲爛矣及乎負辰能以勤勞寅恭惇大忠信之道翼贊其君太和洽而頌聲作焉夫功莫大於致治綏邦業莫隆於制禮作樂公身兼數器開物成務其龐鴻炳燦之烈旣已載於詩書志諸史冊至於繫爻辭定官禮撰爾雅出言爲經又何博奧難窮也昔孟子論列古帝王至於公曰兼三王施四事而韓愈亦歷數堯舜禹湯文武以至公蓋道統之傳如此豈僅以治理之彰

彰者與遙想風徽官公遺嗣俾昭世澤於無窮既命有
司新公廟貌希慕之餘勒石頌德而繫之以詩詩曰
邃古民樸混混茫茫列聖經綸肇軒迄商敘厥倫紀賁
以采章公監二代揆時立制有因有除禮明樂備體國
經野成理萬彙集武之勲紹文以孝代成誠民竝孔立
教爲子爲臣是則是倣宗邦綿歷忠厚所貽貞珉載鐫
作頌致思鳧繹同時億禩爲期

聖廟落成遣皇子祭告文

朕惟道統與治統相維作君與作師竝重先師孔子德
由天縱學集大成綜千聖之心傳爲萬世之師表故廟
祀久遠垂於無窮朕御寓以來立綱陳紀彰教敷治咸
奉至聖爲法程凡典禮追崇竭誠致敬自京師下逮郡
邑辟離泮水建廟釋奠罔不修舉况茲闕里乃聖人鍾
毓之鄉車服禮器於斯藏守曩者東巡展拜之餘仰觀
廟貌多歷年所漸有頽敝深厯於衷用是命官董理重
加修葺棟宇維新以妥聖靈茲當告成特遣皇子胤祉
致祭俎豆肅陳恍乎接至聖之音容以將朕儼恪欽崇

克捷告祭闕里廟文

朕服膺聖訓殫究遺文凡茲六籍所垂惟以安民爲要
臨御以來孜孜圖治綏又蒸生遠邇中外視同一體乃
有厄魯特噶爾丹荒陬狡寇肆虐跳梁擾毒邊方稔惡
已極朕親統六師三臨絕塞弘彰撻伐克奏膚功逆孽
就俘克渠殄滅遐荒番部罔不歸誠自茲永靖邊塵咸
安生業惟是至聖先師默相啓佑特遣專官敬申禋祀
祇告成功伏惟昭鑒尚饗

源齊賦以外新聖樂

安才章非具至聖求誠為用者謂非官文申顯

致野事錄叙難知謂書特撰不疑與自必不其變運

日跡知縣錄六職三制錄次山清對又次交首以

育以曾許與謝其並訓遊家教訓地樂與神變式

書跡以來好好圖命選文燕中意動中州與同一

知如書錄與與次書文以茲六籍亦垂非以文

京與書錄與里文

顏子贊

聖道蚤聞天資獨粹約禮博文不遷不貳一善服膺萬
德來萃能化而齊其樂一致禮樂四代治法兼備用行
舍藏王佐之器

合

...

...

...

曾子贊

洙泗之傳魯以得之一貫曰唯聖學在茲明德新民止
善爲期格致誠正均平以推至德要道百行所基纂承
統緒脩明訓辭

子思子贊

於穆天命道之大原靜養動察庸德庸言以育萬物以
贊乾坤九經三重大法是存篤恭慎獨成德之門卷之
藏密擴之無垠

蘇密懋文無狀

贊淳壯人器三重大器具存萬泰財器與懋文門卷之
外懋天命並文大氣輔養暉察亂懋言以育萬民

下思于贊

孟子贊

哲人既萎楊墨昌熾子興闢之曰仁曰義性善獨闡知
言養氣道稱堯舜學屏功利煌煌七篇竝垂六藝孔學
攸傳禹功作配

文選注卷之四

禮記注卷之四

禮記注卷之四

禮記注

過闕里

鑿輅來東魯先登夫子堂
兩楹陳俎豆萬仞見宮牆
道統唐虞接儒風洙泗長
入門撫松柏瞻拜肅冠裳

關里古檜

幹聳朱萸外根蟠碧殿阿奇文成左紐元氣挺孤柯瑞
與龜龍竝傳來歲月多徘徊看手澤不共劫灰磨

興國時並勅來意只委將師會平對不其誤次祖
明登未幾伏財離樂凱同音文叔式條天降到風師說

幸魯盛典卷一終

幸魯盛典卷二

康熙二十三年甲子春二月翰林院編修曹禾吏

科掌印給事中王承祖各疏請

皇上東巡

命廷臣集議

翰林院編修曹禾

題為恭請

皇上登封岱宗以告成功以昭盛德事

臣

聞祀典國之

大事帝王事天明事地察於是乎神祇降福人民

悅豫慶流久遠古者有常祀有特祀禮曰天子祭

天地四方山川五祀歲徧焉此常祀也四時舉行之禮也書曰歲二月東巡狩至于岱宗柴望秩于山川此特祀禮司馬遷所謂每世之隆則封禪答焉者也三五以來昭姓考瑞必以其成功告於上帝臣考封禪書及班固應劭服虔諸儒所言泰山五嶽之長神靈所聚因高崇天謂之封就廣增地謂之禪明受天地之所命功成事遂有益於天地若高者加高厚者加厚陰陽和萬物序刻石紀號高世比德於九皇甚盛典也逮秦漢唐宋之主有事岱宗者皆勒兵十數萬創立宮殿更起明堂辟

雍勞民費財失對越之意後世議者遂不敢申明
其禮獨詳於一歲中祈年報賽之常祀不知事天
一也而禮有大小帝王受命於天左右相之默成
其功業故因名山升中與天相見報受命之無負
因之燔柴肆祀以答幽贊明欲其精神通於真宰
使神祇各率其職佑我皇極光我泰階天人之際
感名甚微其爲典禮至尊至重洪惟我

太祖高皇帝誕膺圖籙

太宗文皇帝受寶握符

世祖章皇帝撫有區夏大命雖定而天下未寧人心未靖

三孽伏於方鎮海寇跳梁東南此乃

上帝神靈眷顧篤佑

皇上留遺艱難昭宣至德神功開大一統之業垂裕於

萬世也伏見

皇上睿謀獨運動與天契決機制勝掃蕩都盡臺灣逋

寇讐威歸化納土稽顙窮海萬里廓清無外

皇上聖德高深期臻上理雖六合同風而孜孜不已政

化翔洽流於無垠三光五行昭精布序年穀順成

聲教四訖閭閻安生樂業共見太平而奉琛職貢

梯山航海而來者不可勝數猗歟盛哉古帝有功

德者莫過於黃帝黃帝上元甲子貞元運會考定
星曆建天地神祇物類之官制作度數合符造化
由是封巒勒成遂開宇宙文明之象漢武帝不得
其時則以十一月甲子朔冬至應之而數千年之
景運適協於今日功成治定之後則統天之紀應
地之時而立人之極端在今日矣臣愚竊謂
皇上以精一執中爲奉若豈樂於泥金刻石鋪張揚厲
之文然而

上帝之命不可不報山川百神之助不可不答而運世之
本開基之功德不可不紀誠宜稽古禮文潤色鴻

業勿憚登陟之勞亟議告成之典考漢唐之儀注
行之簡易順承大慶維新庶政為生民錫福為奕
葉儲庥光昭

祖

宗之洪烈休德將見瑞應游臻頌聲洋溢與黃帝之時同
其盛美矣臣於歲首卽懷此念慮蹈越位之罪既
而惟之受

恩深重報稱無由而敷陳經史導揚德化臣之職也拳

拳之誠冒瀆

宸聽奉

旨九卿詹事科道會議具奏

吏科掌印給事中王承祖

題爲請倣古帝之巡狩以勤民事以光

聖治事

臣

仰見我

皇上乘泰運之始出維新之治屢頒

上諭戒飭臣工疏通仕路皆

軫念民生期登熙隆至意也誠德媿堯舜功邁漢唐矣

方今四海昇平要荒向化正觀風問俗勸課農桑

之時

臣

讀舜典所載歲二月東巡狩至于岱宗柴

望秩于山川肆覲東后

臣

竊惟其意岱宗居五嶽

三卷五典 卷二 四
之首東方爲生氣之先二月乃東作之始燔柴祀
天因所至而祭告之至其協時月正日同律度量
衡蓋皆爲民事也故載之於書令後世倣其意而
行之我

皇上念切民瘼求登殷阜必以農功爲先務請倣虞帝
皇土之制巡幸東方察閭閻之利病問風俗之厚薄設
祭方嶽以祈年豐又聞泰山出雲不崇朝而雨天
下是

聖帝一禱卽澤沛萬方矣詩云以祈甘雨以介我稷黍
以穀我士女此之謂也且東嶽密邇孔里臣見史

冊所載漢高至魯以太牢祀孔子後世美其冊一

代之文治倘

御輦所屆觀其車服禮器亦古今鉅觀而

皇上右文至意載之史冊誠千古不易見之盛事臣讀

史記封禪書內云上古封禪者七十二君皆荒唐

無稽至秦皇漢武倣而行之不過耀德張功後世

鄙焉我

皇上德接精一之傳博稽羣書上法虞帝行燔柴之禮

不襲封禪之事是

聖德神功光昭萬世矣奉

旨九卿詹事科道一併會議具奏

禮部爲恭請

皇上登封岱宗以告成功以昭盛德事

臣

等會議得翰

林院編修曹禾疏請三五以來昭姓考瑞無不以其成功告於上帝逮秦漢唐宋之主有事岱宗者類皆創立宮殿更起明堂辟雍勞民費財失對越之意後世議者遂不敢申明其禮洪惟我

皇上睿謀獨運動與天契決機制勝掃蕩都盡

上帝之命不可不報山川百神之助不可不答運世之本開基之功德不可不紀宜亟議告成之典等語又

科臣王承祖疏稱巡幸東方察閭閻之利病問風俗之厚薄設祭方嶽以祈年豐又聞泰山出雲不崇朝而雨天下

聖帝一禱卽澤沛萬方矣且東嶽密邇孔里臣見史冊

所載漢高至魯以太牢祀孔子後世美其開一代之文治倘

御輦所屆觀其車服禮器亦古今鉅觀而

皇上右文之至意載之史冊誠千古不易見之盛事臣

讀史記封禪書內云上古封禪者七十二君皆荒

唐無稽至秦皇漢武倣而行之不過耀德張功後

世鄙焉我

皇上德接精一之傳博稽羣書上法虞帝行燔柴之禮
不襲封禪之事是

聖德神功光昭萬世等語伏察封禪之說不著於經書
傳言舜至岱宗燔柴以祀天原非封禪唐虞三代
以前實無登封故事科臣王承祖疏稱封禪之禮
後世鄙焉編修曹禾請封禪以告成功之處無庸
議又王承祖疏稱請倣虞舜巡幸東方察閭閻之
利病問風俗之厚薄設祭方嶽以祈年豐漢高至
魯以太牢祀孔子後世美其開一代之文治恭惟

我

皇上博綜經學弘闡心傳重道崇文千古莫並且

軫念民依省方問俗

鑾輿所至

訓飭官方特加蠲賑此皆勤民重農至意如

皇上巡問民俗經過泰山闕里應倣行虞舜燔柴漢高

祖祀孔子禮致祭等因奉

旨着候旨行應行典禮該部卽詳察具奏欽此欽遵

等查虞書舜典載歲二月東巡狩至于岱宗柴望

秩于山川肆覲東后禮記王制所載與虞書同俱

無燔柴致祭禮儀唐開元禮載有修壇設位奠玉
帛進饌賜胙等儀明會典內載永樂六年至北京
經過處所遣官祭陵祭淮祭泰山闕里嘉靖十八
年南巡所過嶽瀆山川有望祭及遣官致祭禮亦
未詳載禮儀伏查見行典禮冬至大祀

天於圜丘燔柴作樂奠玉帛進俎行三獻禮飲福受胙撤
饌望燎俱有定儀又查史鑑紀漢高祖十二年自
淮南還過魯以太牢祀孔子未載致祭禮儀明帝
至魯詣孔子宅御講堂章帝祀孔子於闕里及七
十二弟子作六代之樂大會孔氏男子二十以上

者六十三人命儒者講論語安帝祀闕里孔氏親屬諸生悉會賜帛有差北魏孝文帝唐高宗明皇皆親祀孔子後周太祖謁孔子廟又拜孔子墓俱未載有禮儀宋真宗備禮謁文宣王廟孔氏宗屬竝陪位帝再拜行酌獻禮又幸叔梁紇堂命官分奠七十二弟子先儒洎叔梁紇顏氏親製贊刻石廟中復詣孔林以樹擁道降輿乘馬至文宣王墓設奠再拜脩飾祠宇給便近十戶奉塋廟命宰相等撰顏子以下贊留親奠祭器於廟中從官立石刻名賜孔氏錢帛錄親屬五人竝賜出身又賜太

宗御製御書一百五十卷銀器八百兩伏查順治

九年

世祖章皇帝行幸學禮康熙八年

皇上行幸學禮釋奠講書傳

制加

恩俱有定儀在案

臣

等欽惟

皇上敬

天勤民勵精宵旰凡

鑾輿巡歷所至之地輒諮詢吏治延訪輿情

軫念熒黎加

恩蔭屋此卽帝舜省方覲后考績問俗之至意也

車駕行經泰岱燔柴之禮自應詳備伏稽虞書傳註未經載有儀節無從考據其後世登岱祀天多因封禪費繁儀縟一無可採今應照見行

園丘大祀禮參酌舉行擇祭所於泰山不必築壇設

牌位及

配位應設幄具品物祭日燔柴作樂奠玉帛進俎讀祝行三獻禮飲福受胙等儀俱如

園丘禮文武從官及

朝見官員俱照例按品陪祀其泰山之神應照祭五

嶽禮

遣官致祭至於闕里親祀孔子自漢高祖以下見於史

冊者凡九帝我

皇上天縱徇齊懋勤典學窮六經之奧義弘百代之心

傳以及廣厲師儒振興文教允矣垂休奕禩度越

百王已茲

車駕經過闕里特行

親祭尤爲盛事伏考前代禮儀俱未詳備今應照康熙

八年

幸學釋奠禮參酌舉行祭日用太牢作樂奠帛獻爵等

儀俱如釋奠禮其啓聖祠四配十哲兩廡亦照例遣官分獻文武從官及

朝見官員俱按品陪祀孔氏及五氏宗屬應陪祀者亦照例陪祀其樂工樂器祭品祭器一切應用等項俟奉

旨舉行之日行各該部院衙門備辦如有未盡事宜臣部臨期另行請

旨可也康熙二十三年三月十二日題本月十五日奉旨依議

禮部等衙門

幸會盛典 卷二
題爲請

旨事據太常寺呈稱該本寺等衙門題前事內開做照

園丘大祀竝

幸學釋奠例祭祀應用樂器祭品器皿等物俱關營造

典禮臣寺應會同禮工二部議覆可也等因奉

旨依議欽此欽遵該臣等會議得

皇上鑾輿巡歷行經泰岱照

園丘大祀禮燔柴祭

天應用樂器祭器等物若俱另行修造恐致糜費錢糧難

以猝辦且係一時舉行之禮應將

天壇見用樂器祭器酌量帶去應用內有物件難以運送者應於該地方備造其可減省者酌量減去今將應帶應造應減器物逐一明晰開列應造者於該地方營造備辦其泰山之神原有祭告舊列應用祭品祭器行文該撫照例備辦至關里孔子廟啓聖祠四配十哲兩廡現有祭祀器皿樂器今應照康熙八年釋奠禮開寫數目行文衍聖公備辦其祭

上帝位前祭孔子廟祭品等物俱行文該撫備辦所有營造備辦器皿等物候

命下舉行之日差臣部寺官各一員前往會同該撫動支正項錢糧營造備辦可也等因康熙二十三年五月十七日題本日奉

旨依議欽此欽遵到部該臣等會議得今應差禮部工部太常寺官各一員工部筆帖式一員匠役頭目帶領欽天監相度地方官員前往會同該撫於泰山下閱選潔淨寬平致祭之處卽行脩理營造其該地方應造器皿等物亦差禮部工部太常寺官各一員筆帖式各一員會同該撫速行備造其祭

祀

孔廟所用器皿樂器等物雖行文衍聖公將現有者
令其備辦但恐有悞應差太常寺官一員筆帖式
一員將祭祀應用器皿樂器等物查閱備齊所有
前往官員應照例騎驛馬前去可也康熙二十三
年九月初七日題本日奉

旨依議

禮部等衙門

題爲欽奉

上諭事康熙二十三年九月初八日大學士勒德洪明

珠奉

上諭朕今東巡應行典禮着九卿詹事科道太常寺官員會議具奏欽此欽遵查得先經九卿詹事科道會議覆科臣王承祖條奏內稱

皇上巡問民俗經過泰山闕里應倣行虞舜燔柴漢高祀孔子禮致祭等因禮部議覆

皇上鑾輿巡歷所至之地諮詢吏治行經泰岱燔柴之禮自應詳備應如見行

圓丘大祀禮參酌舉行

車駕經過闕里應照康熙八年幸學釋奠禮參酌舉行等因具

題在案該_臣等會議得虞舜東巡狩至于岱宗燔柴
致祭漢高過魯以太牢祀孔子俱係巡歷所至乘
便致祭原非特行往祀今

皇上聖德神功同符堯舜倣古之制爰事東巡

鑾輿經過泰山闕里亦應致祭泰山照祀五嶽禮致祭
孔廟照本處祀典致祭其前議備辦一切應用等
項俱應停止可也康熙二十三年九月初十日題
本月十三日奉

旨依議

附錄○唐虞五載一巡狩羣后四朝歲二月東巡

狩至于岱宗柴望秩于山川肆覲東后協時月正
日同律度量衡修五禮五玉三帛二生一死贄五
月南巡狩至南嶽八月西巡狩至西嶽十一月朔
巡狩至北嶽皆如岱宗之禮歸格于藝祖用特夏
后氏因之。○周制十二年一巡狩天子將巡狩類
乎上帝宜乎社造乎禰職方氏先戒四方諸侯曰
各修平乃守考乃職事無敢不敬戒國有大刑及
王之所行先道帥其屬而巡戒令大馭掌犯輶之
禮土訓氏夾王車而行以待王問九州形勢山川
所宜誦訓氏亦夾王車以上古久遠之事告王又

掌道方慝以昭辟忌以知地俗乘金輅建大旗歲
二月東巡狩至於岱宗柴而望祀山川覲諸侯其
方之諸侯先於境首待所過山川則使祝宗先以
三等璋瓚皆以黃金爲鼻流酌鬱鬯以禮神次乃
校人殺黃駒以祭之每宿舍掌舍設楛杙再重其
外則土方氏又設籓籬旣至方嶽先問百年就見
之若未滿百年八十九十者路經其門則見之不
然則否天子乃令太師採人歌謠賦詩以樂播而
陳之以觀人風俗以審其善惡命典祀納賈陳百
物之貴賤以觀人之所好惡又命典禮之官考校

四時節氣月之晦朔甲乙等日及候氣之律呂所用禮樂宮室車旗等制度君臣上下衣服皆以王者所頒制度考校之諸侯封內有名山大川不舉而祭之者爲不敬不敬者君削其地有祭宗廟不順昭穆者爲不孝不孝者君絀以爵變禮易樂者爲不從不從者君流革制度衣服者爲畔畔者君討有功德於人者加地進律其諸侯待王之牢禮以一犢旣黜陟諸侯乃與之相見於方嶽之下築壇與覲禮壇制同諸侯旣朝見王訖乃退其餘五月南巡狩至於南嶽如東巡狩之禮八月西巡狩

至於西嶽如南巡狩之禮于有一月北巡狩至於
北嶽如西巡狩之禮巡狩訖却歸每廟用一牛以
告至

以上巡狩

○漢高帝十二年十一月行至淮

南還過魯以太牢祀孔子○光武建武五年冬十
月征董憲遂幸魯使大司空祀孔子中元元年正
月丁卯東巡二月己卯幸魯進幸泰山○明帝永
平十五年二月庚子東巡耕於下邳至魯幸孔子
宅祀仲尼及七十二弟子○章帝元和二年正月
丙辰東巡狩耕於定陶柴告岱山祀明堂三月己
丑進幸魯庚寅祀孔子於闕里及七十二弟子○

安帝延光三年二月丙子東巡狩辛卯幸泰山柴
告岱宗壬辰宗祀五帝於汶上明堂癸巳告祀二
祖六宗戊戌祀孔子於闕里○北魏世祖太平真
君十一年車駕南伐宋自東平趨鄒山十一月進
至魯郡以太牢祀孔子○孝文帝泰和十九年夏
四月如魯城親祀孔子○唐高宗乾封元年正月
丙戌車駕發泰山辛卯至曲阜贈孔子太師以少
牢致祭○明皇開元十二年十一月封泰山還車
駕詣孔子宅親設奠祭○後周太祖廣順二年親
征慕容彥超克城將破夜夢一人狀甚魁異被王

者服謂太祖曰明日當得城及覺因躬率將士力
攻至午城陷車駕旣入過夫子廟帝豁然曰昨夢
殆夫子乎不然何路與廟會因駐蹕升堂瞻像一
如夢中感喜下拜遂於六月朔親詣闕里致祭○
宋真宗大中祥符元年十一月勅告報皇帝封禪
畢車駕至兗州曲阜縣謁先聖廟取十一月初一
日備禮躬謁○金天會七年睿宗爲都元帥統大
軍入兗州撫定退師命曲阜知縣衡雄引詣宣聖
廟時值建炎寇氛殿火猶未息元帥乃登杏壇奠
拜訖復詣聖林○熙宗皇統元年二月戊午親詣

闕里致祭

以社祀孔子廟

臣按巡狩之禮唐虞三代之六藝之文可考信也蓋聖人繼天立極臨御萬方當其垂拱九重既已明日達聰疇咨交儆百揆時敘咸熙庶績以覆斯民於樂利之天而躋一世於仁壽之域矣然猶慮四海之廣五服之遙或有德意弗克下究民隱壅於上聞者所以舜典期於再閏周官更以星終時邁方嶽言巡所守於以聽採輿誦觀風察俗宣布德澤加惠元元凡以爲民事而已而必至於四嶽者蓋一方之諸侯各聚於方嶽之下以覲天子

詩所謂哀時之對是也後世方士廼有七十二君
封禪之說諸儒又緣飾以書之柴而望秩詩之陟
其高山以緯解經承譌襲謬二千年來莫有起而
正之者

皇上建中祇德時敏緝熙如天之仁覆露庶物文教以
紀之聲靈以震之靈臺偃伯三方底定奉琛輸賚
重譯來賓老稚謳歌閭閻清晏負哉三五之隆無
以過也而廼勤恤民隱惟恐一夫之不獲特於農
隙展時巡之典布德行慶悉準聖經唯以敬

天之實心行勤民之實政至於封禪不經之說祠官聚訟

之議數千年相沿之陋習得我

皇上直斥其非以解萬世之大惑而復觀唐虞三代之

盛典焉

大聖人之宸斷豈不偉哉

臣

又按開元禮有皇帝巡狩儀其日有鑾駕出宮

燔柴告至鑾駕還行宮望秩山川肆覲東后考制

度六條又有皇帝封祀泰山儀有鑾駕進發齋戒

制度陳設省牲器鑾駕上山薦玉幣山下封祀壇

進熟燔燎封玉冊鑾駕還行宮朝覲羣后考制度

十四條蓋巡狩封祀判爲二事其治道起壇攻石

刻玉皆特遣將作勞資吏民良以綉節滋於汰心
彌文狗乎曲說異於吉者從簡尚質之義矣我

皇上鑒古制惜民力足以告虔無取乎侈足以成禮勿
務乎華一切儀器毋有營作且減輿衛免供億戒
傲擾國不加費民不知勞不踰時

鑿輿巡歷布德行慶徧於直隸山東江南矣凡我臣民
何其多幸歟

秋九月

皇帝稽古東巡十九日壬午味爽

發德音肆赦天下

詔曰帝王誕膺景命統御萬邦道重觀民政先求瘼是
以虞廷肆覲肇舉省方周室懷柔式歌時邁詩書具
在典制丕昭朕仰荷

天庥纘承

祖烈撫茲兆庶期底時雍夙夜孜孜懋求治理以富以教
靡敢怠遑猶慮蔀屋艱難罔由上達故於直隸郡縣
周覽巡行勤施補助更念山左等處土宜俗尚不加
循省曷克真知矧曆逢甲子世際昇平聿圖泰運之
恒新在措芸生於豫大乘時命駕咨彼民依但樂利
祇慰夫一方而德澤未敷於九有朕心歉焉用是特

昭公普以弘仁庶奏誠和之盛治一江南浙江江西
湖廣省分自用兵以來供應繁苦宜加恩卹康熙二
十四年所運漕糧著免三分之一一自康熙十三年
起至二十二年拖欠漕項錢糧著自康熙二十三年
起每年帶徵一年以免小民一時竝徵之累一東巡
經過地方宜俱加恩卹著將康熙二十四年應徵丁
銀盡行蠲免一泰山經過致祭其四嶽四瀆等祀應
遣官致祭察例舉行一凡官吏兵民人等有犯除謀
反叛逆子孫殺祖父母父母內亂妻妾殺夫奴婢殺
家長殺一家非死罪三人採生折割人謀殺故殺蠱

毒魘魅毒藥殺人強盜妖言十惡等真正死罪不赦
外其謀反謀叛犯人妻妾子女家產應入官及父母
祖孫兄弟應流徙及脩造宮殿陵寢冒破錢糧工程
不固脩築河工不行堅固失陷城池行間獲罪官吏
衙役枉法受贓監守自盜叛逆財產人口侵蝕入已
誣告叛謀發掘墳塚略賣人口及光棍亦俱不赦外
其餘自康熙二十三年九月二十四日昧爽以前死
罪軍罪以下已發覺未發覺已結正未結正咸赦除
之有以赦前事告訐者以其罪罪之一直隸各省脩
理文廟銀兩照舊存留以供整葺一直隸各省解費

脚價銀兩仍復存留照額支給一祭祀行香習儀及
祈晴祈雨鄉飲酒禮等項銀兩仍復存留以供支用
一嶽鎮四瀆廟宇傾頽者該地方官設法脩葺以昭
誠敬一內外文武官員現應議處者俱著寬免一內
外文武大小各官除各以現在品級已得封贈外凡
一授職陞級及改任者著照新銜封贈一各處孤貧口
糧已復存留經管地方務須從實給散以贍窮獨於
戲時臻熙皞彌隆寬卹之恩戶樂清寧丕篤綿長之
慶布告天下咸使聞知

附錄○漢元和二年東巡詔曰朕巡狩岱宗柴望

山川告祀明堂以章先勲其二王之後先師之裔
東后蕃衛伯父伯兄仲叔季弟幼子童孫百僚從
臣宗室衆子要荒遠服沙漠之北蔥嶺之西冒彫
之類政涉懸度陵踐阻絕駿奔郊時咸來助祭祖
宗功德延及朕躬予一人空虛多疚纂承尊明盥
洗享薦慙愧祇慄詩不云乎君子如祉亂庶遄已
歷數旣從靈耀著明亦欲士大夫同心自新其大
赦天下諸犯罪不當得赦者皆除之復博奉高禩
無出今年田租芻橐○又告東平王手詔曰朕惟
巡狩之制以宣聲教考同遐邇解釋怨結也今四

國無政不用其良駕言出遊欲親知其劇易前祀
園陵遂望祀華霍東柴岱宗爲人祈福今將禮常
山遂徂北土歷魏郡經平原升踐隄防詢訪耆老
咸曰往者汴門未作深者成淵淺則泥塗追惟先
帝動天之德底績遠圖復禹弘業聖績滂流至於
海表不克堂構朕甚慙焉月令孟春善相丘陵土
地所宜肥田尚多未有墾闢其悉以賦貧民給與
糧種務盡力農勿令遊手所過縣邑聽半入今年
田租以勸民夫之勞○唐高宗幸曲阜祠廟詔曰
朕聞德契機神盛烈光於後代化成天地元功被

於庶物魯大司寇宣尼父孔某資大成之材屬衰
周之末思欲屈已濟俗弘道佐時歷聘周流莫能
見用想乘桴以永歎因獲麟而興感於是垂素王
之雅則正魯史之繁文播鴻業於一時昭景化於
千祀朕嗣膺寶曆祇奉睿圖憲章前王規矩先聖
崇至公於海內行大道於天下遂得八表乂安兩
儀交泰功成化洽禮備樂和展采東巡回輿西上
途經茲境撫事興懷駐蹕荒區願爲師友瞻望幽
墓思承格言雖宴寢荒蕪餘基尚在靈廟空寂嶽
烈猶存孟軻曰自生民以來未有孔子者也微禹

之歎既深褒崇之道宜峻可追贈太師庶年代雖
遠式範令圖景業維新儀刑茂實其廟宇制度卑
陋非宜更加脩造仍令三品一人以少年致祭褒
聖侯德倫既承胤嗣有異常流其子孫竝免賦役
○宋真宗幸闕里詔曰朕以紀號岱宗觀風廣魯
久懷先聖實主斯文矧尼山毓秀之區光靈可挹
而曲阜奉祀之地廟貌猶存將伸欵謁之儀用表
欽崇之志宜取十一月朔日幸曲阜縣備禮躬謁
仍付所司詳定車駕至曲阜縣謁文宣王廟內外
量設黃麾仗襲文宣公親伯叔兄弟竝許陪位

臣按古者天子所至稱幸謂必有恩澤及於臣民也然或於乘輿所駐賜復宥管或因巡行所過得免田租傳諸史冊輒稱盛舉未有巡行一方而普天率土竝得邀浩蕩之恩者也我

皇上乘上元泰運肇舉東巡而覃敷

德音徧及於薄海內外若減免四省之現漕帶徵十年之漕欠全蠲所過之正供恤民力也舉嶽瀆之祀典飭祠廟之修葺答神貺也赦罪重民命也復修理文廟及祭祀行香鄉飲各項之公費重文教也給解費蘇民困也寬吏議惜人材也推封典廣孝

治也卹孤貧惠焚獨也仁至而義盡博施而濟衆
教養兼資神人胥悅如春風之無不被焉如甘雨
之無不潤焉如日月之無不照焉誠所謂樂以天
下澤及萬方者也又寧獨一人之稱幸已耶臣等
遭逢

聖明沐浴

膏澤唯有懼忭踴躍於

堯天舜日之下而已矣

